

Tiranë, më 26/01/2024

RELACION PËR „PËR BUXHETIN E VITIT 2024“

Gjatë vitit 2023 i gjithë aktiviteti i Aparatit Qëndror, i drejtuar nga organet vendim marrëse , u fokusua në realizimin e misionit për të cilën është krijuar Urdhri. Gjatë këtij viti është organizuar puna për regjistrimin e farmacistëve të rinj në regjistrin kombëtarë, kundrejt përmbushjes së kërkesave ligjore , regjistrimin e ndryshimeve të anëtareve të Urdhrit, që vijnë si rezultat i ndryshimit të vendit të punës por dhe i atyre që mbushin afatin kohorë të regjistrimit në funksionin e Drejtuesit Teknik.Një vëmendje të veçantë i është kushtuar regjistrimit të studentëve që vijnë nga auditorët, për kryerjen e praktikës profesionale si detyrim ligjorë pranë urdhrit, mbikqyrjen e tyre në çdo farmaci .

Gjithashtu , në kuadër të organizimit të aktiviteteve të edukimit në vazhdim gjatë vitit 2023, janë organizuar 4 Konferenca dhe 13 seminare . Konferencat janë bashkëorganizime me institucione të tjera të arsimit të lartë , duke i ofruar antarëve një numër të lartë kreditesh .

Gjatë vitit 2023, u zhvilluan zgjedhjet për organet drejtuese të Urdhrit , duke zgjedhur dymbëdhjetë Këshillat Rajonal dhe Këshillin Kombëtarë për mandatin e ri 2024-2029. Gjithashtu u organizua ceremonia e mandatimit të Këshillit të ri Kombëtarë i dalë nga zgjedhjet të organizuara gjatë muaji Korrik 2023.

Buxheti i vitit 2024 mbështet konsolidimin e mëtejshëm të objektivave , që do të çojnë në ofrimin e më shumë shërbimeve për anëtarët,në përmbushjen

e misionit të Urdhrit ,për rrjedhojë në gjenerimin e të ardhurave për realizimin e këtij misioni si dhe administrimin e tyre në mënyrë efikase .

BUXHETI I VITIT 2024

1- Objektivat e Buxhetit 2024

Krijimi i një sistemi për realizimin dhe evidentimin e të ardhurave në përgjithësi dhe të ardhurave nga kuotat mujore në veçanti, së pari nëpërmjet rritjes së bazës së atyre që do të paguajnë kuotat mujore, dhe së dyti nëpërmjet evidentimit , saktësimit të anetareve që ushtrojnë profesionin nëpërmjet mbikqyrjes profesionale dhe bashkëpunimit me institucionet e tjera.

2- Detajimi i Buxhetit për vitin 2024

Hartimi i Buxhetit është mbështetur në realizimin faktik të vitit 2023, objektivat që Urdhri ka për vitin 2024, si për realizimin e të ardhurave, ashtu dhe për përdorimin e shpenzimeve .

Buxheti është i detajuar sipas natyrës ekonomike.

Buxheti parashikohet të jetë i balancuar.

2.1 Planifikimi i të Ardhurave

Planifikimi i të Ardhurave bazohet nga të dhënat që disponojmë si:

- Numëri i anëtarëve të Urdhrit të regjistruar në Regjistrin Kombëtarë në funksionin e Drejtuesit Teknik.
- Numri i anëtarëve të Urdhrit të regjistruar në Regjistrin Kombëtarë , në funksionin e Farmacistit të punësuar.
- Numëri i anëtarëve të Urdhrit të regjistruar në Regjistrin e Vecantë , të Ndihmës Farmacistëve.
- Numëri i antarësimeve të reja , referuar regjistrimeve të kandidatëve për provimin e Shtetit për dy sezonet Maj- Dhjetor 2023.
- Numëri i praktikantëve të regjistruar për praktikën profesionale viti 2023.

- Numëri i anëtarëve që mund të rilicensohen.

- Në realizimin e të ardhurave për periudhën si dhe i pritshmi deri në fund të vitit 2023.
- Në të ardhurat e gjeneruara lidhur me shërbimet që urdhri i ofron anëtarëve ,si vërtetime për jashtë shtetit,etj.


Të dhënat për planifikimin e të Ardhurave për vitin 2024 krahasuar me vitin 2023 paraqiten si më poshtë:

000/lekë

Nr	Emertimi	Plani 2023	Plani 2024	Ne %
	TE ARDHURA GJITHSEJ			
1	Kuota antarësimi	29.352	30.222	↑ 3%
	- Drejtues Teknik	20.604	20.844	
	- Farmacist i punësuar	7.746	8.388	
	- Nd/farmacist	1,002	990	
2	Regjistrimet e reja	1.378	2.230	38%
3	Praktika Profesionale	2.203	3.120	29%
4	Të Tjera (riprintime)	1.041	1.250	17%
5	Likujditetet	12.098	3.785	↓
6	Të drejta të arkëtueshme	0	6.124	
	TOTALI			

Referuar zerave të të Ardhurave, shikojmë se të ardhurat krahasuar me vitin 2023 kanë pësuar një rritje të lehtë.Kjo rritje i referohet zërit të të ardhurave nga kuotizacionet në masën 3%. Gjithashtu ritje ka në të ardhurat nga kuotizacionet për anëtarët në pozicionin e farmacistit të punësuar , kjo si rezultat i rritjes së numërit të tyre.Është e pritshme rënia e të ardhurave nga zëri i kuotizacioneve të Ndihmës Farmacistëve, pasi legjislacioni për arsimin në vendin tonë nuk pregatit më Ndihmës Farmacistë.


Ecunia e të ardhurave nga viti 2023 në vitin 2024 paraqitet grafikisht si më poshtë:



- ✓ **Të Ardhura nga kuotat e anëtarëve që ushtrojnë funksionin e Drejtuesit Teknik**, janë bazuar në numërin e regjistrimeve të nxjerra nga zyra e regjistrimit deri në Dhjetor 2023, gjithësej 1,737 anëtarë.
- ✓ **Të Ardhura nga kuotat e antarëve Farmacist të punësuar**, janë bazuar në numërin e regjistrimeve të nxjerra nga zyra e regjistrimit deri në Dhjetor 2023, gjithësej 1,398 anëtarë.
- ✓ **Të Ardhura nga kuotat e Nd/farmacistëve**, janë bazuar në numërin e regjistrimeve të nxjerra nga zyra e regjistrimit deri në Dhjetor 2023, gjithësej 85 anëtarë.
- ✓ **Të Ardhurat nga Tarifat e Regjistrimeve të reja**, janë bazuar në numrin e studentëve të regjistruar për provimin e Shtetit Maj 2023 dhe Dhjetor 2023.
- ✓ **Të ardhura nga Praktika**, janë bazuar në numërin e praktikantëve të regjistruar gjatë vitit 2023 për të dy zezonet Korrik 2023 dhe Dhjetor 2023, gjithësej 150 praktikantë. Në këtë grup të ardhurash janë përfshirë dhe të ardhurat nga tarifa e regjistrimit për praktikantët që regjistrohen si përsëritës të provimit të aftësimit praktik, gjithësej sipas të dhënave të zyrës së praktikës për vitin 2023 janë 162 praktikantë.

- ✓ **Të ardhura të tjera (riprintime, ricertifikime, shërbime etj)**, janë bazuar në numërin e antarëve aktiv ,drejtues teknik dhe farmacistë të punësuar deri në Dhjetor 2023.

Planifikimi i të Ardhurave sipas peshës specifike të tyre , paraqitet si vijon:



Realizimi i të ardhura , që përbën bazën e realizimit të objektivave të Urdhrit kërkon punën e të gjithë organeve të Urdhrit ,si atyre të zgjedhur ,ashtu dhe atyre të emëruar.

2.2 SHPENZIMET

Shpenzimet janë planifikuar sipas strukturës ekonomike , dhe kanë për qëllim mbulimin e aktivitetit të Urdhrit për vitin 2024 , për realizimin e misionit të Urdhrit që do të përkthehet në rritjen e nivelit të Shërbimit Farmaceutik.

Ndarja sipas strukturës ekonomike .

- 1- **Shpenzimet e personelit**, të cilat janë përcaktuar sipas numërit të punonjësve të miratuar në Këshillin Kombëtar dhe pozicioneve të tyre në strukturë. Në këtë zë përfshihen pagat, kontributet e sigurimeve shoqërore e shëndetsore si dhe Fondi i Veçantë.
- 2- **Shpenzime Operative**, janë llogaritur për funksionimin normal të punës së administratës së Aparatit Qëndrorë dhe funksionimin e strukturave Rajonale. Në këtë strukturë përfshihen shpenzimet për kancelari, shtypshkrime, bojë për printerat, shpenzime për shërbime si energji elektrike , uje, telefon , mirëmbajtje automjetesh, siguracione, taksa vendore,auditime, shpenzime dieta, pritje percjellje, karburant etj.
- 3- **Shpenzime për Honorare**, janë shpenzimet për pagesat e honorarëve mujore të anëtareve të Këshillave Rajonal dhe pagesat për ditëmbledhje të Këshillit Kombëtarë ,Këshillave Rajonal ,si dhe honorarët për antarët e komisioneve të ndryshme të ngritura pranë urdhrit, referuar nivelit të honorarit të miratuar nga Këshilli Kombëtar.
- 4- **Shpenzime për Qira** , janë shpenzimet për mbulimin e pagesës së qirasë së objektit të marrë me qira nga Shtypshkronja e Letrave me Vlerë për zyra.
- 5- **Investime për pajisje Zyre**, janë shpenzime për blerje të pajisje për zyrat si ato elektronike dhe ato mobilare .
- 6- **Shpenzime për aktivitete të Edukimit në Vazhdim**, janë projektet që do të realizohen për aktivitete të Edukimit në Vazhdim në fushën Farmaceutike , dhe që për Urdhërin është viti nëntë që të gjitha shpenzimet e aktiviteteve të Edukimit në Vazhdim ,mbulohen 100% nga

buxheti i Urdhrit, Për farmacistët antarë të urdhrit kredit i kanë përfituar falas.

Planifikimi i Shpenzimeve për vitin 2024 krahasuar me vitin 2023 paraqitet sipas tabelës:


000/lekë

Nr.	Emërtimi	Plani 2024	Plani 2023
	SHPENZIMET		
1	Paga dhe shpërblime	18.610	17.336
2	Fondi i Veçantë	953	909
3	Kontributet e sig. shoqërore e shëndetsore	3.259	3.047
4	Honorare	10.036	9.660
5	Shpenzime operative	5.700	6.300
6	Qira zyresh	2.173	2.220
7	Investime	1.000	800
8	Aktivitetet e Edukimit në vazhdim	5.000	5.000
9	Botime	0	800
	TOTALI	46.731	46.072

Sic shihet dhe nga tabela krahasuar me Buxhetin e vitit 2023 kemi një rritje prej 1.42% në Buxhetin e vitit 2024. Kemi një ulje të zërit të shpenzimeve operative dhe Botime dhe një rritje të vogël në zërat shpenzime personeli referuar inflacionit, honorare dhe investime .


Dhe në mënyrë grafike niveli i shpenzimeve për vitin 2024 në krahasim me vitin 2023 paraqiten si vijon:

Shpenzimet 2023-2024



Niveli i shpenzimeve sipas peshës specifike të tyre në mënyrë grafike paraqiten si vijon:

STRUKTURA E SHPENZIMEVE 2024



Realizimi i zërave të shpenzimeve do të bëjë të mundur realizimin e projekteve që urdhri ka për vitin 2024.

Zbatimi i Buxhetit, do të bëhet sipas legjislacionit në fuqi.

Arkëtimet, do të vazhdojnë të bëhen vetëm nëpërmjet sistemit bankar , i vërtetuar me mandate arkëtimi të bankës.

Shpenzimet , do të bëhen sipas procedurave të përcaktuara dhe të mbështetura në dokumenta standarte të miratuara për Financat dhe për Kontabilitetin.

Ndjekja dhe zbatimi i Buxhetit, do të bëhet nga Aparati Qendrorë i Urdhrit. Gjithë dokumentacini për shpenzimet që do të realizohen do të depozitohet në Zyrën e Financës për likujdim.

Këto ishin treguesit e Buxhetit të vitit 2024.

ZYRA E FINANCËS